

## Edukimi i profesionistëve të fushës së drejtësisë për të drejtat e njeriut (HELP) në Ballkanin Perëndimor

### Cili është qëllimi i këtij projekti?

Si pjesë e Programit të Këshillit të Evropës për Edukimin për të Drejtat e Njeriut të Profesionistëve të Fushës së Drejtësisë, projekti "HELP në Ballkanin Perëndimor" kontribuon për një mbrojtje më të mirë të të drejtave themelore në nivel kombëtar e rajonal. Qëllimi i përgjithshëm i këtij projekti është që të ndihmojë profesionistët në fushën e drejtësisë - të cilët janë në vijën e parë të mbrojtjes së të drejtave të njeriut - për të kuptuar më mirë standardet themelore të të drejtave të njeriut, si dhe për t'i zbatuar këto standarde në punën e tyre të përditshme. Ky projekt përfshin Institucionet Kombëtare të Trajnimit për gjyqtarët dhe prokurorët, si dhe Shoqatat e Avokatisë për Ballkanin Perëndimor në rrjetin më të gjerë HELP, i cili mbulon 47 shtetet anëtare të Këshillit të Evropës e më tej.

### Kush përfiton nga ky projekt?

Profesionistët e fushës së drejtësisë nga Shqipëria, Bosnje-Hercegovina, Kosova\*, Mali i Zi, Maqedonia e Veriut dhe Serbia përfitojnë nga projekti HELP, duke ofruar një gamë të gjerë kursesh *online* për tema të ndryshme të të drejtave të njeriut. Këto kurse janë të hapura për studentët e drejtësisë/profesionistët e ardhshëm përmes platformës së mësimdhënies *online HELP*, mund të përshtaten sipas kontekstit lokal, si dhe sipas nevojave të profesionistëve dhe trajnerëve.

### Si do të funksionojë ky projekt?

Në bashkëpunim me aktorët kryesorë lokalë, HELP zhvillon dhe zbaton një sërë kursesh *online* që fokusohen tek të drejtat themelore të njeriut për profesionistët e fushës së drejtësisë. Këto kurse ofrojnë cilësi të lartë dhe praktikat më të mira evropiane, pasi janë hartuar nga ekspertët kryesorë të Këshillit të Evropës, duke përfshirë edhe juristët nga Regjistri i Gjykatës Evropiane të të Drejtave të Njeriut.

Kurset janë ndëraktive dhe praktike, duke synuar përforcimin e njohurive, aftësive dhe qëndrimeve të profesionistëve sa u përket standardeve themelore evropiane të të drejtave të njeriut dhe mënyrës se si këto standarde duhet të zbatohen në situata konkrete. Metodologjitë HELP përshtaten lehtësisht sipas legjislacionit dhe kontekstit të secilit vend përfitues të projektit. Dimensioni rajonal i projektit u ofron mundësi institucioneve trajnuese për të shkëmbyer me njëra-tjetrën praktikat më të mira për metodologjinë e të drejtave të njeriut. Përveç kësaj, ai lehtëson gjithashtu edhe shkëmbimet rajonale të njohurive për standardet e të drejtave themelore mes profesionistëve në fushën e drejtësisë.

### Çfarë presim të arrijë ky projekt?

Projekti 'HELP në Ballkanin Perëndimor' kontribuon për një zbatim më eficient dhe më efikas të standardeve të të drejtave themelore në nivel lokal përmes:

- ▶ rritjes së kapacitetit të profesionistëve në fushën e drejtësisë për një zbatim më efikas dhe më koherent të standardeve evropiane për mbrojtjen e të drejtave themelore të njeriut në punën e tyre të përditshme;
- ▶ forcimit të kapaciteteve të aktorëve lokalë, si institucioneve kombëtare të trajnimit për gjyqtarët dhe prokurorët, Shoqatat e Avokatisë dhe universitetet për të ofruar trajnime cilësore në këtë fushë.

### Sa do të kushtojë ky projekt?

- ▶ Buxheti total i projektit është 800.000 Euro;
- ▶ Buxheti i caktuar për programin e Instrumentit Horizontal shkon rreth 41 milionë Euro (85% financuar nga Bashkimi Evropian, 15% nga Këshilli i Evropës).

### Si mund të marrim më shumë informacion?

- ▶ Platforma elektronike e të mësuarit HELP e Këshillit të Evropës: [help.elearning.ext.coe.int](http://help.elearning.ext.coe.int)
- ▶ Programi i Këshillit të Evropës për Edukimin e Profesionistëve të Fushës së Drejtësisë për të Drejtat e Njeriut (HELP): faqja e internetit [www.coe.int/help](http://www.coe.int/help)
- ▶ Faqja e internetit e Instrumentit Horizontal: <https://pjp-eu.coe.int/en/web/horizontal-facility/home>
- ▶ Marija Simić, Këshilltare e Instrumentit Horizontal për Komunikimin, [Marija.SIMIC@coe.int](mailto:Marija.SIMIC@coe.int), +381 63 601 337  
Besnik Baka, Këshilltar i Instrumentit Horizontal për Komunikimin, [Besnik.Baka@coe.int](mailto:Besnik.Baka@coe.int), +355 69 217 8430

### Rreth Instrumentit Horizontal për Ballkanin Perëndimor dhe Turqinë

"Instrumenti Horizontal për Ballkanin Perëndimor dhe Turqinë 2019-2022" është një nismë e përbashkët e Bashkimit Evropian dhe Këshillit të Evropës. Ai u jep mundësi vendeve përfituesve të përmbushin axhendat e tyre të reformave në fushën e të drejtave të njeriut, shtetit të së drejtës dhe demokracisë, si dhe të arrijnë standardet evropiane në kuadrin procesit të zgjerimit të BE-së. Ky program tre-vjeçar mbulon projektet në Shqipëri, Bosnje-Hercegovinë, Malin e Zi, Maqedoninë e Veriut, Serbi, Turqi dhe në Kosovë\* dhe zbatohet nga Këshilli i Evropës që prej muajit maj 2019.

*\*Ky përcaktim nuk përbën asnjë paragjykim për qëndrimet ndaj statusit dhe është në përputhje me Rezolutën 1244 të Këshillit të Sigurisë të OKB-së dhe me Opinionin e Gjykatës Ndërkombëtare të Drejtësisë për Shpalljen e Pavarësisë së Kosovës*

Këshilli i Evropës është organizata lider e kontinentit për të drejtat e njeriut. Ai përbëhet nga 46 shtete anëtare, duke përfshirë të gjitha vendet anëtare të Bashkimit Evropian. Të gjitha shtetet anëtare të Këshillit të Evropës kanë nënshkruar Konventën Evropiane për të Drejtat e Njeriut, një traktat i projektuar për mbrojtjen e të drejtave të njeriut, demokracisë dhe shtetit të së drejtës. Gjykata Evropiane e të Drejtave të Njeriut mbikëqyr zbatimin e Konventës në shtetet anëtare.

[www.coe.int](http://www.coe.int)

Shtetet Anëtare të Bashkimit Evropian kanë vendosur të bëjnë së bashku njohuritë, burimet dhe fatet e tyre. Së bashku, ata kanë ndërtuar një zonë stabiliteti, demokracie dhe zhvillimi të qëndrueshëm, duke ruajtur në të njëjtën kohë diversitetin kulturor, tolerancën dhe liritë individuale. Bashkimi Evropian është i angazhuar të ndajë arritjet dhe vlerat e tij me vende dhe popuj përtej kufijve të tij.

[www.europa.eu](http://www.europa.eu)

*Kjo fletëpalosje është prodhuar me mbështetjen financiare të Bashkimit Evropian dhe Këshillit të Evropës. Pikëpamjet e shprehura në të nuk mund të merren në asnjë mënyrë si pasqyrim i opinionit zyrtar të asnjërës palë.*